

նաւ լուծանին 'ի Կոստանդինուպօլիս 'ի ձեռն գործակալաց թագաւորացն Եւրօպիոյ . իսկ այժմ Յոյնք առանց մտանելոյ 'ի դատ ծածկապէս առեալ են հրովարտակ , ուստի պարտ է մտանել ընդ նոսա 'ի դատ , եւ յայտնի կացուցանել զսեփհական տեղիս մեր' և ծանուցանել թագաւորաց մերոց : Դատաւորքն ասացին՝ չէ օրէն այժմ աստ մտանել 'ի դատ , զի 'ի քննութեանս յայտնիկ ուրոյն ուրոյն նշանակին տեղիք ազգաց . իսկ եթէ ունիք զայլ իմն դատ ընդ միմեանս՝ առեալ զվաւերական դրեանս ձեր՝ գնասջիք 'ի դատարան , և անդ սահմանեմք զիրաւունս ձեր : Կոչեցին ապա և զԹարգմանն Հայոց , և նա արար սպասախանի . որովհետեւ խոստանայք դրել ուրոյն ուրոյն զսեփհական տեղիս իւրաքանչիւր ազգաց , և յետ այնորիկ հանել զայն 'ի դատաստան և արդարութեամբ տալ վճիռ՝ հնազանդիմք : Եւ ապա սկսեալ գրեցին զտեղիս իւրաքանչիւր ազգաց 'ի տաճարին , բայց զթիւ սենեկացն Հայոց ոչ կամեցան մուծանել 'ի գիրն , և արձակեցան՝ խոստանալով 'ի վաղիւ վերստին գումարել զժողովն . բայց Յոյնք արգելին զայն , և առին 'ի կողմն իւրեանց զքաղաքապետն և զայլս , և սկսան ասել թէ՝ ըստ մտաց հրովարտակին մեզ անկ է չինել յանուն մեր՝ և ոչ երթամք 'ի դատարան . 'ի բազմանալ բանից՝ անկաւ դժտութիւն 'ի մէջ այլազգեաց եւ սկսան նախատել զմիմեանս վասն կաշառացն , ոմանք 'ի կողմն Հայոց էին և այլք Յունաց :

Ի սմին ժամանակի քաղաքապետն Յովսէփ Մէհէմմէտ աղա Ասուր Լօպութ կոչեցեալ՝ գրաւեաց զմի մասն վանացն Հայոց՝ որ 'ի կողմն Լատինաց , և բնակեցոյց անդ զլօրս զամս 3 , և արարին զայն իբրեւ աւերակ , և Հայք զկնի բազում աշխատութեան հազիւ ուրեմն կարացին դատարկել զայն : Յափշտակեաց ապա նաեւ զերեւելի տունս և զմթերանոցս 'ի կալուածոցն Հայոց անդ 'ի Յովսէփ , զոմանս կարգեաց տեղի դատաստանի , զոմանս մաքսի , եւ զայլս բանտի , և սկսաւ ըստ հաճոյից իւրոց քակել զայնս և չինել , և զսենեակս որ 'ի վերայ եկեղեցւոյ՝ արար խոհանոց , յորմէ կասկածէր Տեսուչ վանաց լինիլ վտանգ ինչ , և 'ի սահանջել զվարձս նոցա՝ անարգանօք յետս դարձուցանէր զնոսա , սպառնացեալ հասուցանել զմեծամեծ չարիս՝